



Broj: JN1-1-4-16-6-31-18/23  
Banja Luka, 13. decembar 2023. godine

Na osnovu člana 61. stav (2) Zakona o upravi („Službeni glasnik BiH“, br. 32/2, 102/09 i 72/17), čl. 70. st. (1), (2) i (3) Zakona o javnim nabavkama („Službeni glasnik BiH“, br. 39/14 i 59/22), na prijedlog Komisije za sprovođenje postupka nabavke specijalizovane opreme, generalni direktor Direkcije za civilno vazduhoplovstvo Bosne i Hercegovine donosi

**ODLUKU**  
**O**  
**IZBORU NAJPOVOLJNIJEG PONUĐAČA**  
**ZA NABAVKU SPECIJALIZOVANE OPREME LOT 2 – NABAVKA MOBILNIH**  
**METEOROLOŠKIH STANICA**

**I**

Za najpovoljniju ponudu u konkurentskom zahtjevu za nabavku specijalizovane opreme za lot 2 – nabavka mobilnih meteoroloških stanica, pokrenutom Odlukom o nabavci, broj: JN1-1-4-16-6-31-2/23 od 2.11.2023. godine, izabrana je ponuda ponuđača **MIBO komunikacije d.o.o. Sarajevo**, sa cijenom u iznosu od 20.500,00 KM bez PDV-a.

**II**

Ugovorni organ će pozvati izabranog ponuđača iz člana I ove odluke radi zaključenja ugovora kojim će se regulisati međusobna prava i obaveze u vezi sa predmetnom nabavkom, a u skladu sa zahtjevima i uslovima Ugovornog organa navedenim u Tenderskoj dokumentaciji i Zakonom o obligacionim odnosima u Bosni i Hercegovini.

**III**

Ova odluka stupa na snagu danom donošenja i u skladu sa članom 70. stav (6) Zakona o javnim nabavkama objaviće se na web stranici Direkcije za civilno vazduhoplovstvo Bosne i Hercegovine ([bhdca.gov.ba](http://bhdca.gov.ba)) i to istovremeno sa upućivanjem ponuđačima koji su učestvovali u postupku javne nabavke.

**Obrazloženje**

Na osnovu Odluke o nabavci specijalizovane opreme za potrebe Direkcije za civilno vazduhoplovstvo Bosne i Hercegovine, broj: JN1-1-4-16-6-31-2/23 od 2.11.2023. godine, Obavještenja o nabavci objavljenog na portalu E-nabavke, broj: 3-7-1-31-3-35/23, od 20.11.2023. godine, pokrenut je konkurentski zahtjev za dostavljanje ponuda uz obaveznu primjenu e-aukcije i zaključivanjem ugovora sa jednim izabranim ponuđačem na period od trideset dana.

Rok za podnošenje ponuda bio je 11.12.2023. godine do 11.00 časova, a javno otvaranje ponuda je obavljeno 11.12.2023. godine u 11.15 časova.

Shodno Zapisniku o otvaranju ponuda, Komisija je utvrdila da se za postupak javne nabavke prijavila dva ponuđača, i to *NEXIS d.o.o. Sarajevo* i *MIBO komunikacije d.o.o. Sarajevo*.

Prilikom pregleda i ocjene ponuda Komisija je utvrdila da je ponuđač *MIBO komunikacije d.o.o. Sarajevo* dostavio sve dokumente tražene tenderskom dokumentacijom.

Pregledom ponude ponuđača *NEXIS d.o.o. Sarajevo*, komisija je konstatovala da je ponuđač dostavio ponudu koja nije u skladu sa zahtjevima iz Tenderske dokumentacije, te da je ista ocijenjena kao nepravilna. Tačkom 4.2 „Način izrade ponude“ tenderske dokumentacije, navedeno je da se stranice ponude ovjeravaju pečatom podnosioca ponude. Stranice ponude ponuđača *NEXIS d.o.o. Sarajevo* nisu ovjerene pečatom podnosioca ponude, te ocijenjeno da ponuda nije dostavljena u skladu sa tenderskom dokumentacijom i ocijenjena je kao nepravilna. Takođe, tačkom 15.14. „Tehnička specifikacija – Lot 2“, traženo je da ponuđeni uređaj ima displej u boji. Iz tehničke specifikacije ponuđača *NEXIS d.o.o. Sarajevo* nije vidljivo da li ponuđeni uređaj ima displej u boji.

S tim u vezi, Komisija je odbacila ponudu ponuđača *NEXIS d.o.o. Sarajevo* primjenjujući član 68. stav (4) tačka i) Zakona o javnim nabavkama BiH koji propisuje da ugovorni organ odbacuje ponudu ako nije potpuna i ne ispunjava zahtjeve iz tenderske dokumentacije.

U postupku javne nabavke bilo je predviđeno pokretanje E-aukcije. S obzirom da je samo jedna ponuda ocijenjena kao prihvatljiva, a u skladu sa Pravilnikom o uslovima i načinu korišćenja E-aukcije, a po članu 3. stav (3), odlučeno je da se E-aukcija neće zakazivati, nego će se postupak okončati u skladu sa članom 69. Zakona o javnim nabavkama.

U skladu sa navedenim, a nakon pregleda i ocjene ponuda, Komisija je predložila da se Ugovor, u skladu sa kriterijumom najniže cijene ponude, dodijeli ponuđaču *MIBO komunikacije d.o.o. Sarajevo*.

Imajuću u vidu sve navedeno, odlučeno je kao u dispozitivu.

**Pouka o pravnom lijeku:** Ukoliko ponuđač smatra da je Ugovorni organ u toku postupka dodjele ugovora izvršio povredu Zakona o javnim nabavkama ili podzakonskih akata, ima pravo da pokrene žalbeni postupak najkasnije u roku od 5 dana od dana prijema Odluke o izboru najpovoljnijeg ponuđača.

Žalba se podnosi ugovornom organu, u pisanoj formi, u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Dostavljeno:

- *Mibo komunikacije d.o.o. Banja Luka*
- *NEXIS d.o.o. Sarajevo*,
- *F/AD*,
- *a/a*.

